

Bosna i Hercegovina  
Federacija Bosne i Hercegovine  
Kanton Središnja Bosna-Srednjobosanski Kanton  
KANTONALNO TUŽILAŠTVO/ TUŽITELJSTVO  
TRAVNIK  
Broj: T06 0 KT 0035809 24  
Datum: 12.02.2025.godine,

OPĆINSKI SUD TRAVNIK

*Potvrđena 14.02.2025. godine*

Na temelju odredbe člana 45 stav 2 tačka i, člana 241 stav 1 Zakona o kaznenom postupku Federacije Bosne i Hercegovine, p o d i ž e m

### OPTUŽNICU

Protiv:  
Karalić Samir

ZBOG POSTOJANJA OSNOVANE SUMNJE DA JE:

U proteklom vremenskom periodu tokom 2023.godine i 2024.godine pa do 05.09.2024.godine na području općine Travnik, svjestan da je neovlaštena prodaja i držanje radi prodaje opojne droge zakonom zabranjena, što je i htio, postupajući suprotno odredbama člana 4. stav. 1,2,3 i čl. 19 Zakona o sprečavanju i suzbijanju zloupotrebe opojnih droga (Sl. glasnik BiH br. 8/06), 103/08 i 51/11, u više navrata prodavao opojnu drogu drugim licima pa tako i osobama H.O. i L.E. za iznos od 30 KM po paketiću da bi dana 05.09.2024.godine neovlašteno kupovao opojnu drogu radi prodaje drugim licima na području općine Zenica a potom istu pakovao u manje pvc vrećice kada je zatečen od strane ovlaštenih službenih osoba MUP-a Travnik u mjestu Turbe, općina Travnik, zajedno sa osobama E.S. i Š.M., kojom prilikom je od sebe odbacio plavu kovertu u kojoj se nalazi bijeli pvc paketić vezan u čvor i u njemu 2 pvc prozirna paketića od kojih je u jedan upakirano 6 pvc bijelih paketića svijetlo žute boje opojne droge Amfetamin i Cofein, zataljenih na vrhu a u drugom paketiću opojna droga Amfetamin i Cofein ukupne neto mase 7,741 grama, kao i plavu kovertu u kojoj se nalazio pvc paketić vezan u čvor i unutar njega jednu otvoreno pvc vakum pakovanje u kojem se nalazila opojna droga Amfetamin i Cofein ukupne neto mase 16,127 grama, a što je sve vještačenjem utvrđeno od strane Centra za forenziku odsjek za hemijsko-toksikološka ispitivanja, istraživanja i vještačenja Federalne Uprave Sarajevo, a koja opojna droga je pronađena od strane ovlaštenih službenih osoba Travnik prilikom vršenja uviđaja u mjestu Turbe, općina Travnik kao je to konstatovano u zapisniku o uviđaju broj 02/3-3-25-24 od 04.09.2024.godine.

Dakle neovlašteno prodavao i držao radi prodaje opojnu drogu

Čime je počinio krivičnog djelo „Neovlaštena proizvodanja i stavljanje u promet opojnih droga iz čl. 238 st. 1 KZ F BiH.

Na osnovu odredbe čl. 78 st. 1 KZ F BiH i čl. 238 st. 4 KZ F BiH predlažem da se prema osumnjičenom izrekne mjera sigurnosti oduzimanje opojne droge i to 23,868 grama opojne droge Amfetamin i Cofein.

*Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.*